



Crna Gora
Ministarstvo dijaspore

Adresa: Bulevar Svetog Petra Cetinjskog br.
9
81000 Podgorica, Crna Gora
tel: +382 20 22 44 11
www.gov.me/usdi

Br: 01-910/27-185/2

P R E D L O G

20. novembar 2024.

PLATFORMA

zvanične posjete ministra dijaspore Mirsada Azemovića Bosni i Hercegovini

OPŠTE INFORMACIJE

Ministar dijaspore Crne Gore, Mirsad Azemović, boraviće u zvaničnoj posjeti Bosni i Hercegovini u periodu od 25. do 27. novembra 2024. godine.

Poziv za posjetu je uslijedio od strane ministra za ljudska prava i izbjeglice Bosne i Hercegovine dr Sevlida Hurtića. Prilikom ovog susreta, ministri će razmijeniti iskustva i najbolje prakse u odnosu prema dijaspori, razgovarati o mogućnostima za zaštitu i unapređenje interesa pripadnika dijaspore Crne Gore u zemlji prijema, kao i osnaživanju bilateralnih odnosa ove dvije države.

Ministar dijaspore Mirsad Azemović će se tokom posjete BiH sastati i sa šefom kabineta predsjedavajućeg Predsjedništva BiH Alijom Kožljakom i savjetnikom za dijasporu, raseljene osobe i saradnju sa organizacijama civilnog društva Mehmedom Parganom. Primarna tema ovog sastanka je usmjerena na prezentaciji uspješnih primjera koje sprovodi Bosna i Hercegovina po pitanju podsticanja investicija dijaspore u matičnu zemlju, olakšavanja procesa ulaganja i stvaranja povoljnijeg poslovnog okruženja za dijasporu.

Tokom ove posjete ministar dijaspore Mirsad Azemović prisustvovaće i svečanoj Akademiji povodom obilježavanja 20. novembra – Dana Sandžaka i 25. novembra Dana državnosti Bosne i Hercegovine, u organizaciji Udruženja građana porijeklom iz Crne Gore i Sandžaka u Sarajevu.

Ovi datumi se obilježavaju u znak sjećanja na dan osnivanja Zemaljskog antifašističkog vijeća oslobođenja Sandžaka (ZAVNOS) u Pljevljima 1943. godine i Dana Zemaljskog antifašističkog vijeća oslobođenja BiH (ZAVNOBIH), održanog 25. novembra 1943. godine u Mrkonjić Gradu. Na svečanosti će biti upriličena dodjela stipendija studentima i učenicima za školsku/akademsku 2024/2025. godinu, kao i priznanja njihovim donatorima.

Ministar dijaspore Mirsad Azemović će održati i radne sastanke sa predstavnicima udruženja dijaspore-iseljenika iz Crne Gore u Bosni i Hercegovini. Sastanci će obuhvatiti teme od ključnog značaja za očuvanje identiteta i unapređenje položaja crnogorske zajednice u BiH.

Tokom zvanične posjete BiH, planirano je da ministar Azemović prisustvuje promociji XI toma višetomnog rječnika bosanskog jezika, autora rah. akademika Dževada Jahića, u svečanom salonu Vijećnice Grada Sarajevo.

ZNAČAJ POSJETE

Posjeta ministra dijaspore Mirsada Azemovića Bosni i Hercegovini ima višestruki značaj. Osim jačanja veza sa dijasporom, osnaživanja bilateralnih odnosa ove dvije zemlje, posjeta će pružiti priliku za razmjenu iskustava i produbljivanje saradnje sa institucijama Bosne i Hercegovine.

SASTAV DELEGACIJE

U delegaciji koju će predvoditi ministar dijaspore Mirsad Azemović će biti:

- Adel Omeragić, državni sekretar u Ministarstvu dijaspore,
- Alen Mujević, savjetnik u Ministarstvu dijaspore,
- Tonko Nišavić, vozač.

Troškove posjete ministra dijaspore i članova delegacije snosiće Ministarstvo dijaspore.